

■ GLOSSA

Emnas da missiun olimpica

DA SILVIO CAMENISCH

Faschevan senn pli baud emnas da missiun catolica, fan actualmain sem emnas da missiun olimpica. E nus avain ils missiunaris cun ina licenza per talas missiuns. Ils surmotivads cun l'uschenumnà «feu sacré» intern, han sa dà d'enconuscher cun las medias ed en las medias e tras las medias. So, quels e schon era quellas brischan da dadens anor da missiunar l'entir territori, flächendeckend, per «nossa chaussa». Ina buna chaussa, di jau er.

Nus avain in ferm concept co proceder, e ceder na cedin nus missiunaris betg uschè dabot. Ussa duain ils da messa per gieus olimpics d'enviern 2022 sa tirar en chaud, vegnan noss missiunaris cun ina licenza en noss vitgs u cumüns in silenzi ad emnas da missiun e da missiunar, van sin las fitg fitg veglias scantschallas stadas ord diever onns ed onns e laschan plover surengiu fieu e zulper. Tgi avess era patratgà ch'ellas avessan insacura puspè in revival, las scantschallas e festegiassan in nov comeback!

Ussa guardai, tge plans da l'emna che nus avain laschè far noss planisaders en ils biros olimpics. Ils biros olimpics existan gia qua ed er là, quels èn ina realitad, ina irrealitad n'èn quels uss betg. Quests plans da l'emna, manegià dad emnas da missiun per «nossa chaus-



sa» han in sai. Die haben es in sich. Qua vesa la fracziun da la magistraglia, lezza chanaglia, ora vegl dasperas. Quant chargiads a partir da la damaun fitg fitg baud enfin la saira fitg fitg tard! Naginas pausas tranteren per in café cun cornet (islm. mesaglina), duas baterladas e trais esemes.

En noss programs emnils èn resguardads tuttas vegliadetgnas, schlattainas, stadis civils e stadis d'olma. Qua in'ura intensiva per maridads sa spartids e turnads maridads. Qua ina anc pli intensiva per betg maridadas, betg vaira-main, danora cun il Jesus char G. G. (locomotiva a binaris stretgs) per gieus olimpics d'enviern, chantunals. Tras el e cun el ed en el pudess jau m'imaginar nozzas d'enviern en in vitg olympic, senz'auter. Il fieu dal desideri, «das feyr vo der sehnsucht», brischa daditg fitg fitg profund en mai, e jau speresch er en tai.

Jau na sparesch betg perjadina, n'hai jau betg vesi e giudi plainamain almain ina giada en mia vita

gieus olimpics d'enviern, cun tut quai che tutga tiers. Jau less er giudair tut ils plaschairs da la vita, also, jau als less avoir giudi, tut ils plaschairs, u pertge sun jau qua? È gea vair. Gronda accziun da Nadal! Vus pudais cumprar Vossa atgna sutga, per be 3000 francs tar tuts arrivs, hallas da glatsch, stadions olimpics, pli tard paralimpics. Quella sutga eterna avain nus sin segir, so, quella na po nagin prender sutor a nus, è er insatge.

Tgi less ina atgna sutga tar tuttas occurenzas olimpicas sco: ski alpin e nordic, patinar, scursalar e «sursaisar» ed après-ski? Il signur Trachsel less ina sut ses pignol da Nadal, cun sez catapultabel d'in event a l'auter er pussaivel, per in pretsch da dumping (3000 francs) ord noss fond da sport, betg da cultura. Qua avain nus tant tscheps d'unfrir sco chaschas da collecta; quels e quellas han fundà in pro-comité da finanziair ils gieus. Gieus moderns custan forsa insatge, nus dal pro-comité na lain e na stuain betg dir quant ordavant; fiss il plaschair anticipà vargà avant esser stà in vair plaschair. Las emnas da missiun dattan chaschuns a scadin e mintgin da far dal bun tenor meglio pudair e savair, surventscher noss portg intern e daventar in «pitschen» olimpionic ideal e moral. Nus survegliain nus, e nus quintain cun Vus.